



UNIVERSITÄTS-
BIBLIOTHEK
PADERBORN

**Princeps Christiano-Politicus Septem donis Spiritus sancti
instructus Anno M.DC.LVI.**

Faust, Reinhard

Herbipoli, 1667

Caput III. Fortitudinis Exercitium.

Nutzungsbedingungen

[urn:nbn:de:hbz:466:1-55326](https://nbn-resolving.org/urn:nbn:de:hbz:466:1-55326)

108 DISCURSUS IV.

animo meo profundissimam re-
verentiam & amorem erga for-
titudinem tuam! Domine for-
tis, Domine potens, in adjuto-
rium meum intende, ad adju-
vandum me festina: circumde-
derunt me canes multi; consi-
lium malignaverunt super me,
nihil sine te possum Deus forti-
tudo mea, in te, & per te spero
auxilium; da vires, ut de omni-
bus hostibus tibi erigam tro-
phæa victor.

CAPUT III.

Fortitudinis Exercitium.

Celata virtus ab inertia non
multum distat, sæpè ipsissima
& prudentum, & vulgi ore ap-
pella-

pellatur ignavia, cui omnes Dii
negant favores. Exere vires,
quisquis Athleta Christi audire
desideras: confortare, & esto ro-
bustus, si regni incolumitas, po-
puli salus, Dei honor exigit; si
necessitas urget, indue armatu-
ram Dei, cujus causam tuæ
communem facias oportet. Nō
metue, quid faciat tibi homo,
Dominus protector vitæ tuæ,
status tui, posteritatis tuæ, à quo
trepidabis? Galeam capiti, lori-
cam pectori, scutum sinistrae,
acinacem dexteræ insere, liber,
intrepidus, alacer magna aggre-
dere: Sit fortitudo tua lex Justi-
tiæ. Si leo rugiens, si ursus esu-
riens, si lupus diripiens rictus
pandant, dentes stringant, un-

110 DISCURSUS IV.

gues explicent, accinget se, & te
Deus, Deus exercituum ad præ-
lium. Ubi enim est domus Iusti,
& domus Sapientis, plurima est
fortitudo, multa victoria. Leo-
nem Samson domuit, David ad-
huc juvenis discerpfit. Ipse De⁹
author & amicus pacis, exerci-
tuum quoq; Deus appellari vo-
luit: Si causam ejus egeris, in ho-
stium interitum animabit ven-
tos, exiccabit maria, armabit
coelos, sistet solem, bellum ge-
ret, ducet turmas, sternet ho-
stes, non immemor causæ suæ in
suos, tuosque triumphos largie-
tur laureas. Non time, ignavos
despicit, magnanimos adjuvat,
timidos repellit, fugiet impius,
nemine persequente, ut justus
quasi

DE FORTITVDINE. III

quasi leo imperterritus triumphet. Imitare Moysen, Josuen, Machabæum, pro aris & focis præliati victorias reportârunt. Attende solùm, ne te Bethsabea impediât, ne te Dalila enervet. Scipio Africanus, Valerius, Pompejus magnus, Trajanus, Adrianus, Aurelianus, & sexcentialii non artium tantùm & amorum, sed & armorum labores experiri voluerunt. Delitiis & divitiis Heroes isti, Duces & Imperatores egestatem & asperitatem sæpiùs prætulerunt. Ad exemplum Imperatoris sui Marii milites à laboribus bellicis, muli Mariani dicebantur: Sic nimirum à Duce stragibus edendis assueti, ut fermè sine anheli.

112 DISCURSUS IV.

helitu, sine sudore in bello Cimbrico multa millia ceperint, multa millia deleverint. Caroli, Ferdinandi, Casimiri, Leopoldi, & ante hos Dagoberthi, Clodovæi quid non pro sua Deiq; causa præstiterunt? Sentire ærumnas, experiri exilia, calamitates sustinere, suorum clades ad mortem usque perpeti voluerunt, ut de Dei hostibus triumpharent. Militiam credebant esse eam, in qua fortitudo infirmitatibus roboretur: Disciplinam virtutis, in qua calamitas Magistram agat. Si qui celebrantur fortes, in æumnis utriusque militiæ, sacræ scilicet & profanæ floruerunt. In cruce Christus, sub cruce Theotocus; in igne Ana-

DE FORTITVDINE. 113

Ananias , in cratibus Lauren-
tius, in pressura, in cippis & cata-
stis, in equuleis, in rota, in ferro
quam plurimi tormenta & ipsam
mortem superârunt, & glorio-
sissimè triumphârunt. Contem-
plare ista , & admirare divinæ
fortitudinis exercitamenta. Phi-
losophum cum paupertate,
Theologum cum ludibrio, Ora-
torem cum sarcasmo, Religio-
sum cum sibilis & illusionibus,
militem cum morte fortitudo
componit, atque uno in theatro
cœlo terræque spectaculum ex-
hibet admirandum. Quòd illud
vas electionis, divus Paulus de
contumeliis, de falsitate fra-
trum gavisus fuerit, fortitudo
fecit. Fortitudo mater est tole-
ran-

114 DISCVRSVS IV.

rantia, magistra paupertatis, victoriam omnium difficultatum; imò ipsius mortis. Hanc si Christianus Princeps omnium virtutum parentem, omnium malorum victricem possederit, beatitudinis magnam partem in hac vita obtinuit. Insidias sceptris & coronis, Imperio & subditis, vitæ & hæreditati structas vilificiet; sola hæc ad domandos animi motus, ad repellendas belli injurias sufficere Principi videtur, sola dignum Imperio, triumpho, & memoriâ non moriturâ facit Imperatorem; sola hæc artem bellandi nobilitat, artem, quâ injuriæ arcantur, jura dicuntur & distribuuntur, atq; regna conservantur, extollit.

CA.